



## *Age Quod Agis*

**Die hoërskool waar ek gematrikuleer het, het 'n Latynse leuse gehad wat lees *Age Quod Agis*, wat vry vertaal beteken: Wat jy doen, moet jy goed doen.**

'n Klompie maande gelede sê 'n predikant vir my dat hy geïrriteerd raak met die Calvinistiese verknegdheid in die susterskerke. Hy wil graag meer voorkeur gee aan 'n vrye bediening.

Waarvan hy hom alles wil losmaak, en wat hy dink dié vrye bediening alles moet behels, is nie seker nie. In sy verduideliking het hy wel onder andere genoem dat die Kerk moet wegbreek van haar formele dogmas.

Wel, geen kerk kan sonder 'n dogma bestaan nie. 'n Dogma vertel immers wat jy preek en glo van God, Christus, die Kerk, vergifnis, versoening, ensomeer. As jy van een dogma wil wegbreek, kies jy inderwaarheid om 'n ander dogma aan te hang. Die Kerk kan tog nie kerk wees sonder om te kan verklaar wat sy bely nie. Die Kerk bely 'n bepaalde geloof, oftewel 'n dogma waarvolgens die Kerk haar geloof en belydenis beoefen.

In die Calvinistiese etiek word mense se plig en verantwoordelikheid beklemtoon. Jou verantwoordelikheid teenoor God se skepping, teenoor jou medemens, die plig en verantwoordelikheid van die regering en burger wedersyds teenoor mekaar, van werkgewer teenoor werknemer en andersom.

Volgens hierdie oortuiging leer gelowiges om hard te werk om beloon te word. So ook dat werk só verrig moet word dat die uitkoms daarvan tot die verdere ontwikkeling van die skepping en gemeenskap sal wees. Verder ook dat gelowiges verantwoordelik is vir die versorging van die skepping en die kerk van God.

Ongelukkig het die wêreld se kultuur in 'n rigting verander waar mense vry wil wees van beproefde strukture en belydenisse. Die Calvinistiese etiek het vergete begin raak. Sedert 1994 het wetteloosheid en misdadigheid, asook pligsversuim op talle terreine in die land, ook 'n invloed op mense se insig en denke begin uitoefen. Die resultaat hiervan is dat mense se ingesteldheid op hul etiek en bydrae in die samelewing ook onvermydelik beïnvloed is. In baie gevalle het sommige mense, soos hul omgewing, argeloos geraak en selfs die trots op hul werk verloor.

Ander het waarskynlik in hul strewe na vryheid, en om bevry te word van hierdie ongewenste vervalde kultuur, idealistiese vergesigte en drome begin koester oor 'n nuwe bestel en vrye bediening waar hulle glo dit beter sal gaan. So al asof 'n vrygevonde verandering noodwendig oplossings vir hul frustrasie sal bring.

Die verloop van die geskiedenis het al gewys dat gemeenskappe selde terugkeer op ou weë, maar dat die sukses en groei van gemeenskappe wel altyd op vaste beginsels berus. 'n Spreekende voorbeeld hiervan is dat die oproep om terug te keer na God, en dat mense moet luister na die woord van die Here, oor die eeue heen nog altyd weerklink het.

Die ou Latynse leuse mag dalk vanuit 'n Calvinistiese agtergrond spruit, en mag dalk na 'n ou beginsel klink, maar moenie die heilswaarde daarvan ignoreer of onderskat nie: ***Age Quod Agis: Wat jy doen, moet jy goed doen.*** Volg maar gerus hierdie raad.

**Ds Neels van Tonder (emeritus)**

Om *Blitspos* te ontvang, stuur 'n e-pos na [bladuitleg@nhk.co.za](mailto:bladuitleg@nhk.co.za) of [grafies@nhk.co.za](mailto:grafies@nhk.co.za) en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan [produksie@nhk.co.za](mailto:produksie@nhk.co.za)

Webblad van die Hervormde Kerk [www.nhka.org](http://www.nhka.org)

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

## Lief en leed

- **PretoriaFM** vier hul **30-jaar-fees** met 'n dankdiens op **Sondag 17 September** vanaf 10:00 in die **Senotaafsaa van die Voortrekkermonument**. Die diens word gelei deur dr Danie Langner, met engelkoorklanke van die Magaliesberg Kinderkoor onder leiding van Hannelie van Sittert. SMS die woord KERK, jou naam en die aantal gaste wat die diens gaan bywoon na 47887 om jou bywoning te bevestig (SMS'e kos R2).
- **Die volgende predikante verjaar tot 15 September, en word hartlik geluk gewens:**
  - Donderdag 7 September: Ds DJB (Bouwer) Serfontein (65) (Vereeniging)
  - Vrydag 8 September: Dr WJ (Cobus) Jansen van Nieuwenhuizen (53) (Hartebeeshoek) en ds M (Manda) le Roux (56) (Weskus)
  - Maandag 11 September: Ds APJ (Dries) Beukes (74) (emeritus/Swartkop)
  - Donderdag 14 September: Dr HJ (Hennie) Botes (75) (emeritus/Buffelspoort)
  - Vrydag 15 September: Ds PDM (Pieter) le Roux (61) (Christiana/Molopo/Vaalharts)

## Gemeentes en bediening

- Op **Sondag 10 September** vanaf 09:00 vier **Gemeente Witfontein haar 60ste bestaansjaar** tydens die **erediens** waarin al die eer aan die Here gebring sal word vir genade op genade wat in die gemeente beleef is. Witfontein nooi van harte almal wat in die 60 jaar deel gehad het aan hierdie gemeente of 'n noue pad met die gemeente gestap het, om saam met ons dié dankbare mylpaal te kom vier. Op **Saterdag 16 September** vanaf 18:00 vier ons die gemeente se "verjaardag" met 'n Bring-en-braai & Pizza-aand by Witfontein. Bring jou eie vleis, drinkgoed, eetgerei, pizzabasis en bestanddele. Vure en pizza-oonde sal reg wees saam met 'n kuier wat die Here se genade luisterryk vier.

- Die **SP Engelbrecht-museum** nooi jǒú uit vir 'n besoek. Dis 'n lekker uitstappie vir kategesegroepe, belydenisklasse, NHSV groepe, senior lidmate, gesinne, nie-Hervormers ook, en enige ander belangstellendes. Moedig asseblief mense aan om die Museum te besoek. Bring eetgoed en kom hou piekniek. Hier kan jy voorwerpe sien uit die geskiedenis van ons Kerk en van ons kerkmense. R40 per persoon sluit 'n ou wêreld oop. Bespreek vooraf by Carel Johann de Bruin, by 082 733 3951. [Die Museum is afhanklik van besoekersinkomste en donasies – skenkings of erflatings. Donasies is aftrekbaar van belasting. Gemeentes, ringe, lidmate, help ons asseblief.]

### Elektroniese betalings

Rekeningnaam: Kerkgeld vir Kerkwerk

ABSA takkode: 632005

Tjekrekeningnommer: 020149752

Verwysing: 2468 2533K + Naam

Stuur asseblief bewys van betaling na [careljohann@gmail.com](mailto:careljohann@gmail.com)

- **Werkruimte vir deelydse bediening: Gemeentes Otjiwarongo/Outjo-kombinasie.** Die kombinasie Otjiwarongo/Outjo in Namibië beskik oor 'n vakante werkruimte vir 'n deelydse predikant. Unieke wetlike voorskrifte oor werkpermitte deur die Namibiese regering beperk die opsies wat die gemeentes kan uitoefen vir die bediening. In die lig daarvan is die ideale kandidaat vir die deelydse pos 'n geëmeriteerde predikant in die ouderdomsgroep 65 tot 68 jaar wat nog die energie en inisiatief het vir gemeentewerk vir 'n periode van twee tot vyf jaar. Die kombinasie sal aansoek doen vir 'n tydelike werkpermit vir twee jaar, wat herhaal sal word indien die persoon vir langer kan of wil bly. Die vergoedingspakket sluit in: 'n gemeubileerde pastorie in Otjiwarongo; 'n gemeentemotor plus brandstof; en 'n kontantvergoeding per maand. Skakel ds Barrie Oberholzer by +264811487465 vir verdere inligting en administratiewe reëlings soos vir 'n mediese fonds.



## Vergaderings

- Donderdag 7 September: Kommissie van die AKV
- Vrydag 8 September: Kommissie van die AKV
- Donderdag 14 September: Rata Finkom

## 'n Gedig

### koöperasie

kyk hoe in Sy grond  
na die groot reëns die graan  
op ons lande groen en gesond  
in die laatmiddag staan

kyk na die omgeploegde lande  
kyk na sy vingermerke  
aanskou die vat van sy hande  
aan ons wonderwerke

### TT Cloete

(Uit: *Idiolek*, 1986)

## Kerklike publikasies

- In die **September 2023-uitgawe van *Die Hervormer*** skryf **prof Johan Buitendag** oor die *Klub van Rome* se bevinding meer as 50 jaar gelede dat die sogenaamde ontwikkeling sedert die Renaissance 'n illusie was en dat vooruitgang tegelyk ook agteruitgang beteken het. Die bevinding is dat ons 'n Groen Hervorming nodig het. **Dr Johan van Staden**, redakteur, skryf dat die mens kennelik hul rentmeesteropdrag versak het. Die haglike toestand van ons planeet is 'n somber getuigenis van die mens se selfsug en traagheid. Ons sien reeds oral rondom ons die vernietiging – en dit tref die armes en weerloses die hardste. **Neels Jackson**, stokperdjiefotograaf van Centurion, deel met ons van sy pragfoto's, wat opnuut bevestig dat die Skepper vir ons 'n wonderlike wêreld gegee het om te bewerk en te geniet – alles 'n uitdrukking van God se almag, liefde en kreatiwiteit. **Prof Tanya van Wyk** skryf oor die bydraes van vroue binne ekologiese bewussynsbewegings, en bring hulde aan drie vroue wat die mensdom gehelp het om bewus te word van ons impak op die omgewing. Bykomend tot die verspreiding van die gedrukte weergawe van *Die Hervormer*, word die artikels van elke uitgawe **op die Kerk se webblad** geplaas, en 'n **pdf-weergawe** word ook aan predikante en gemeentes beskikbaar gestel.

## Toerusting

- Ouderlinge kan gerus die **Hervormde Teologiese Kollege (HTK) se webtuiste** besoek. Gaan na <https://hervormdeteologie.co.za/ouderlinge/> vir inligting oor **gevorderde toerusting vir ouderlinge**. Tans verskyn daar reeds YouTube-skakels, PowerPoint-aanbiedings en Word-dokumente van Module I – *Die fasilitering van 'n erediens* (**ds Hannes van der Merwe**); Module II – *Hoe berei predikante preke voor* (**dr Gerhard Nel**); en Module III – *Die aanbied van 'n preek* (**prof Yolanda Dreyer**). **Prof Stephan de Beer** se aanbieding van 29 Mei, *Hoe om jou gemeenskap beter te verstaan*, is ook daar beskikbaar. Laasgenoemde kan ook direk by <https://youtu.be/TnQNNDxzmP4> afgelaai word. Module II – *Die kuns van goeie gesprekvoering* (**dr Johan Bester**) is beskikbaar by <https://youtu.be/VfUgoBXodwA>, *Hoe om lidmate in tye van krisis te begelei* (**dr Annelie Botha**) by <https://youtu.be/dUJ9kXs4Tvw>, en *Siekebesoek en sterwensbegeleiding* (**dr Annelie Botha**) by <https://youtu.be/AcAQ3DrH7yw>.



**In gesprek met die Millienners en ander generasies**

6de van 6 maandelikse gesprekke vir  
Predikante (VT) en gemeentes

**19 September 2023**  
om 09:00 en 19:00

Meeting ID: 942 768 9935  
Passcode: SGB




<https://us02web.zoom.us/j/9427689935?pwd=d3d3KINicDU0a1pIZCjSS9ZSFY4dz09>

- **Excelsus Lentekonferensie: Lente in Bediening en Teologie**  
**19-21 September 2023**

*As it is in heaven:* Kerkwees hier en nou

By Universiteitsoord en UP

30 VBO-punte

Fooi: R1 380

Emeriti en studente R690

[excelsus@up.ac.za](mailto:excelsus@up.ac.za)

[www.excelsus.org.za](http://www.excelsus.org.za)

(Die Lentekonferensie is deel van Excelsus se program vir Voortgesette Bedieningsontwikkeling – VBO – en word in samewerking met die Hervormde Teologiese Kollege en die VBO-Forum van die NG Kerk aangebied.)

## Fondsinsamelings

- **Gemeente Philadelphia se *Delphi Fees*** vind plaas op **Saterdag 9 September**. Dit neem die vorm aan van 'n **musiek-, eet- en dansfees** en sluit ook 'n **kort veiling** in. **Kaartjies se prys:** R250 vir volwassenes; R200 vir studente; R100 vir hoëskoolkinders; en R50 vir laerskoolkinders. Die kaartjies se prys sluit alle aktiwiteite in – die kunstenaars, 'n Duitse ete met slaai en nagereg, en 4 gratis drankies vir elke kaartjiehouer. Daar word voorsiening gemaak vir 'n dansbaan, vertoning in die kerk van *Webber and Rice and all things Nice*, vooraf-kunstenaars en die hoofoptrede by die dansbaan deur Vending Machine. Belangstellendes kan 'n e-pos stuur na [nhkphiladelphia@gmail.com](mailto:nhkphiladelphia@gmail.com), of skakel ds Martin Slabbert by 082 655 4787 of dr Sanrie de Beer by 083 226 1866.

- Die **Munga** is een van die heel moeilikste ultramaratons vir bergfietse in die wêreld. Die deelnemers moet meer as 1 100 km tussen Bloemfontein en Wellington binne 5 dae aflê. Daar is 5 wedrendorpe en 10 waterpunte langs die roete waar die ryers voorrade kan aanvul, maar weens die geweldige afstand en uitmergelende Karoolandskap is al die ryers tot 'n hoë mate op hulself aangewese. Die wedren stel ontsaglike fisiese en geestelike eise aan die ryer en net die taaiste ryers voltooi die wedren.

Dis amper soos die monsters wat maatskaplike dienste in ons land elke dag te bowe moet kom. **Rata Maatskaplike Dienste MSW** bestaan al 75 jaar lank, maar met die verswakking van die ekonomiese toestand in die land en die bedreiging van krimpemde staatsubsidies, word hul monsters al hoe groter. Rata fokus op die beskerming van verwaarloosde, mishandelde en seksueel gemolesteerde kinders – kinders wat elke dag met hul eie monsters worstel. Oor die afgelope jaar alleen het Rata se 40 maatskaplike werkers meer as 40 000 individue bereik, aan amper 20 000 mense materiële hulp voorsien, en aan omtrent 1 500 kinders pleegsorgdienste gelewer. Terwyl dit ongeveer R10 000 per kind kos vir die proses van beveiliging, ondersoek, assessering, terapie, en hofverslae om 'n kind uit monsteromstandighede te haal en in pleegsorg te plaas.

**Alphonso Theron** het besluit om hierdie twee monsters aan te durf. Hy is 61 jaar oud en ry al 22 jaar lank fiets. Hy het die Cape Town Cycle Tour (vroeër die Cape Argus-wedren) al



18 keer gery, die 947 Ride Joburg 10 keer, en ook verskeie ander padfietswedrenne. Maar nou het hy besluit om die grootste monster van 'n uitdaging aan te durf: die Munga! **Hy wil die Munga voltooi – vir Rata en die kinders wat so dapper teen hul monsters stry!**

Om die monster van Rata se tekort aan inkomste te tem, wil Alphonso R1 000 000 insamel – 1 000 persone of instansies wat elk R1 000 skenk.

<https://rata.org.za/alphonso-se-monsteruitdaging/>

### **Elektroniese betalings**

Rata Maatskaplike Dienste MSW  
ABSA tjekrekeningnommer: 020 600 209  
Takkode: 632005  
Verwysing: MUNGA + Naam

- Daar is 'n **geleentheid vir 'n gemeente of individu** om by die **Centurion Boeremark op Saterdag** pannekoek en/of *jaffles* te verkoop. 'n Stalletjie kos R250 per Saterdag. Deposito R250 eenmalig en sertifikaat van Tshwane vir kosverkope eenmalig R920. Kontak Christo Potgieter by 072 737 3644.
- **Oornagfasiliteite: Seniordal.** Seniordal beskik oor oornagfasiliteite vir persone wat vergaderings of kongresse moet bywoon, of wat dokters moet besoek, of verblyf benodig vir familie van persone wat in die hospitaal is. Daar is veilige parking en 24-uur-sekuriteit. **Vir navrae oor tariewe en vir besprekings**, kontak Salomie Stolz gedurende kantoorure 08:00-12:00 by 012 329 4318, of na ure by 083 308 0520.

## **Barmhartigheid**

- **Belfast Rusoord** bied onder meer 24-uur mediese versorging, CCTV, 24-uur-toegangsbeheer, drie gebalanseerde maaltye per dag, en aktiwiteite vir elkeen. Daar is fasiliteite vir semiversorging, verswakte bejaardes, en woonstelle vir selfversorging. Kontak Riana de Villiers by 013 253 31211 / 063 663 7449 / [manager@belfastrusoord.co.za](mailto:manager@belfastrusoord.co.za) vir meer inligting en tariewe.
- **Athalia Uitrek in Bloemfontein** bied verblyf vir en versorging van bejaardes en persone met gestremdhede. Daar is enkel- en deerkamergeriewe in 'n huislike atmosfeer, verblyf met drie etes ingesluit, verblyf sonder versorging, en 24-uur-versorging. Navrae: 079 826 6363 / 084 023 0315 / 051 522 6089 / [navrae@athalia.co.za](mailto:navrae@athalia.co.za) / [www.athalia.co.za](http://www.athalia.co.za).
- **Louis Trichardt-behuisingskompleks vir bejaardes** in Danville, Pretoria, bied kamergeriewe met twee etes per dag teen R3 850 per maand. Vir meer inligting, kontak mev Vicky Muller by 012 386 5310.
- **Ons Tuis (Andries Marié Oosthuizen) in Parys** het plek beskikbaar in die tehuse vir versorging van verswakte bejaardes teen R9 760 per maand. 'n Volledige versorgingsfasiliteit sluit in 24-uur-versorging, drie maaltye per dag en sekuriteit. Behuisingsfasiliteite teen R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.
- **Seniordal-aftreeoord** is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in die veilige omgewing van Rietondale in Pretoria. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:

Enkelwoonstel (*bachelor*): R495 000  
Eenslaapkamer: R515 000  
1½-slaapkamer: R520 000  
Tweeslaapkamer: R560 000

**Tans is daar ook 'n enkelwoonstel (*bachelor*) te huur** vanaf 1 Oktober 2023, teen R5300 per maand. Kontak Salomie Stolz by 012 329 4313 of 083 308 0520 (08:00-12:00) vir meer inligting.

## Studentesake

- **Studentebehuising. Gemeente Stellenbosch** kan veilige behuising op die kerkterrein en op die kampus aan studente verskaf. Dit bestaan uit óf enkelkamers met gedeelde fasiliteite, óf eenmenswoonstelle. Skakel dr Chris le Roux by 079 495 3239 of stuur 'n e-pos na [stellenbosch@nhk.co.za](mailto:stellenbosch@nhk.co.za) vir meer inligting.
- **Studentebehuising. Gemeente Philadelphia** verskaf aan studente veilige behuising by Fleur de Lis op die kerkterrein. Dit bestaan uit enkelkamers met gedeelde fasiliteite. Die behuising is binne stapafstand van die kampus en winkelsentrums. Skakel dr Sanrie de Beer by 083 226 1866 of stuur 'n e-pos na [nhkphiladelphia@gmail.com](mailto:nhkphiladelphia@gmail.com) vir meer inligting.

## Betaalde advertensies in hierdie nuusbrieff

Die koste van advertensies is **R250 per plasing (BTW ingesluit)**. Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal. Meer besonderhede oor advertensies kan aangevra word van [produksie@nhk.co.za](mailto:produksie@nhk.co.za).

## Gebed vir die week

My Heer,  
ek gee U my hande om u werk te doen;  
ek gee U my voete om u weg te bewandel;  
ek gee U my oë sodat ek kan kyk soos U kyk;  
ek gee U my tong sodat ek u woorde kan spreek;  
ek gee U my verstand sodat u gedagtes in my kan wees;  
ek gee U my gees sodat U in my gebede mag heers.

Maar veral gee ek U my hart  
sodat u liefde in my kan leef.

Ek gee U my alles, Heer,  
sodat U in my kan groei –  
sodat dit U is wat in my leef, in my werk, in my bid.  
Amen.

KATHY GRAFE  
[pinterest.com / m.lovethispic.com](https://www.pinterest.com/m.lovethispic.com)

(Afrikaanse verwerking: Tessa Oppermann)